

Фажр сураси, 2-оят

15:15 / 01.07.2017 4708

مِ يَحْرُلْ لِمَنْ حَرَّلَهُ لَلْمَسَبِ

رُشَعِ لَآيَلِو

Ва ўн кеча билан қасам. «Фажр» 2.

Бу «ўн кеча»дан мурод – зулҳижжа ойининг биринчи ўн кунлиги кечалари экани барча тафсирчиларимиз томонидан таъкидланган. Ўша муборак ўн кечанинг кундузларида мўмин-мусулмонлар ҳаж амаллари билан машғул бўладилар. Зулҳижжа ойининг биринчи ўн кунлиги йилнинг энг афзал кунларидир. «Саҳиҳи Бухорий» китобида зикр қилинган ҳадисда Набий соллаллоҳу алайҳи васаллам:

– Аллоҳ таоло учун ўша кунлардаги амали солиҳдан кўра маҳбуброғи йўқдир, – деганлар. Саҳобаи киромлар:

– Аллоҳнинг йўлидаги жиҳод ҳам-а? – деб сўрашганда, ул зот:

– Аллоҳнинг йўлидаги жиҳод ҳам. Бир киши ҳам жони, ҳам моли билан чиқса-ю, ундан бирор нарсаси қайтмаса, мустасно, – деганлар.

Баъзи бир уламоларимиз: «Ушбу оятдаги ўн кечадан мурод Рамазон ойининг охирги ўн кечаси, уларда Лайлатул қадр кечаси ҳам бор», – деганлар.